


Мамандығым – мақтанышым

Адамдар өздерінің таңдап алған болашақ мамандықтарына ертүрлі жолдар арқылы келеді. Біреулер үшін - ойға алған арманның орындалуы, келесі бірулер үшін - жаналыққа, дербестікке деген талпыныс, енді біреулер үшін - әйтеуір бір мамандық алу керек. Менің ойымша, адам өзінің қамшының сабындай ғана қысқа өмірінде екі нәрседен қателеспеуі керек. Бірі: өмір бойы өзіне адал болатын жар таңдаудан, екіншісі: мамандық таңдаудан. Мамандық таңдау өте үлкен жауапкершілікті қажет етеді. Мамандықты таңдау үшін ең алдымен өзімізді, өзіміздің бейімділігімізді тануымыз қажет. Өзімізге «Мен кіммін?», «Осы өмірдегі орным қандай?», «Қалай өмір сүремін?» деген сияқты сұрақтарды қоя білуіміз қажет. Жалпы алғанда, өмірде мамандықтың түрлері өте көп. Тек таңдай білу қажет. Болашақта үлкен мамандық иесі болу, өз ісіміздің нағыз шебері болып елге, жерге қызмет ету әрбіреуіміздің арманымыз. Әрине, кез келген мамандықтың өзіндік қиыншылықтары бар. Бірақ сол қиыншылықтарды жеңе білуіміз керек. Сонда ғана өз ісіміздің нағыз шебері бола аламыз. Ең бастысы - адам еңбекке қабілетті, зейінді болуы қажет және оның мамандығы өзі өмір сүріп жатқан қоғамына маңызды, бағалы үлес қосатындай болуы тиіс. Өз ісіне сенімді, мамандығын дұрыс таңдай білген адам ғана белгілі бір асуды бағындыра алады, яғни үлкен жетістіктерге жетеді.

Мен өмірдегі өз орным мен мәртебеме Әл-Фараби атындағы ҚазҰУ, философия және саясаттану факультеті, әлеуметтану және әлеуметтік жұмыс кафедрасының «әлеуметтік жұмыс» мамандығы арқылы ол жетісуді жөн көрдім. Яғни, таңдаған мамандығым «Әлеуметтік жұмыс», осы салада қызмет етіп еліміздің дамуына кішкентай болса да өз үлесімді қосқым келеді. Көптеген мемлекеттерді деңгейге көтерілуіне үлес қосу, алдағы мақсатым болып табылады. Себебі, шетелдегі әлеуметтік жұмыс тәжірибесі көп қырлы болып табылады.

Өмірде отбасы мен достарыңыздың ақылына сүйеніп мамандық таңдауға болады деген қағидамен келіспеймін. Әрине, отбасыңыздан және достарыңыздан ақыл кеңес сұрау керек, бірақ шешімді сіз өзіңіз



қабылдағаныңыз дұрыс. Жүрегіңіз қай мамандықты қалап тұр соған барыңыз. Мысалы: сіз отбасыңыздың не болмаса достарыңыздың сізге ұсынған мамандығын таңдадыңыз делік. Бірақ сізге басқа бір саладағы мамандық ұнайды. Сол кезде сіздің көпесі іс-әрекетіңіз қандай болады? Сіз жақындарыңыздың көңілін қинағандықтан ғана бұл қадамға барып тұрсыз. Егер де сіз бұл жерде жоқ, маған бұл мамандық ұнамайды, маған басқа саладағы мамандық ұнайды» деп өз ойыңызды ашық түрде білдірсеңіз жақындарыңыз сізді түсінеді деп ойлаймын. Қанша дегенмен сіздің болашағаңыз шешілгелі тұр. Егер өзіңіздің жеке ойыңыз болмаса өмірде көп жерде ұтылып қалуыңыз мүмкін. Меніңше, тек өз бойындағы күш-қуатына, ерік-жігеріне, дарын-қабілетіне,

қалтқысыз бар жан-тәнімен сенген адамдардың ғана биік белестері мен алатын асулары мол екеніне сенімдімін.

Әлеуметтану және әлеуметтік жұмыс кафедрасы бойынша бакалавриат, магистрлік PhD докторантура бағыттары бойынша кең шеңберде қоғамның әлеуметтік мәселелерінің қазіргі әдістері мен зерттеу технологиялары; қазіргі тұлға теориялары; әлеуметтік-саяси бағдарламаларды модельдеу және жоспарлау, болжау, стратегиялық талдау; әлеуметтік менеджмент, медико-әлеуметтік жұмыс мәселелері бойынша терең білім беруде.

Әл-Фараби атындағы Қазақ Ұлттық Университеті, философия және саясаттану факультеті, әлеуметтану және әлеуметтік жұмыс кафедрасында «әлеуметтік жұмыс» мамандығы бойынша білім алу барысында, профессорлық-оқытушы құрамы бізді тек білім нәрімен сусындандырып қана қоймай, ақыл-кеңестерін беру арқылы қолдап отырды. Осы мамандықта оқу барысында тұлғалық құндылықтарымыздың, әлеуметтік іс-әрекеттеріміз бен мінез-құлқымыздың дамып, нығайғандығына көміл сенім білдіремін. Әрине, оған біріншіден, профессорлық-оқытушылардың, екіншіден «әлеуметтік жұмыс» мамандығының өзіндік ерекшелігі, ал үшіншіден өзіміздің ұмтылысымыз ықпал етті деп ойлаймын. Сол себепті де, мен өз «әлеуметтік жұмыс» мамандығымды мақтан тұтамын.

Қорыта келе, барлық мектеп бітіруші тұлғаларға болашаққа беделді мамандықпен, дұрыс таңдаумен, ішкі жан-дүниенің үніне үңіле отырып, «әлеуметтік жұмыс» мамандығымен жол бастауға шақырамын!

Г.Үсіпханова,
Әл-Фараби атындағы ҚазҰУ, ФЖСФ,
Әлеуметтану және әлеуметтік жұмыс
кафедрасы «Әлеуметтік жұмыс»
мамандығының 4 курс студенті.

И.С.Сарыбаева,
соц.ғ.к., аға оқытушы